

串雅



串雅內編卷三

錢塘趙學敏恕軒纂輯

錢塘吳庚生平格補注

截藥

雜治門

取牙鰾魚霜

大鰾魚壹個去腸以砒霜納入魚腹露乾放陰地待
有霜卽刮下用瓶收貯以針搜淨牙根點少許咳嗽
自落或以少許藥置膏藥上貼蛀牙上卽落

庚生按砒宜用白者每魚壹兩約入白砒壹錢不可



過多

又方

活鯽魚壹尾約肆伍兩白砒陸錢將砒末納入魚腹
中待魚爛之後將魚骨洗淨晒乾爲末每用少許點
所患牙根上自落

去面上刺青

馬肉不拘多少令蒼蠅叢食生蛆取蛆晒乾爲末以
針撥動青處摻之其青自去

去身臂雕青

胆礬礪砂龍骨各伍分人蛆不拘多少麝香壹匙臨

用時加香油壹盞煎熟將前藥研碎入油內用黃丹熬成膏油單紙貼之其黑跡自然隱入肉內

取箭鏃方

用天水牛壹個獨角小者以小瓶盛之硼砂壹錢研細末用水滴在內浸之自然化水以藥水點傷處箭頭自出

黑髮仙丹

熟地

壹斤

萬年青

叁片小用伍片

桑椹

壹斤

黑芝麻

捌兩

山藥

貳斤

南

燭皮

肆兩

花椒

壹兩

白果

壹兩

巨勝子

叁兩

連壳

蜜丸

早晚以酒

送下各伍錢忌食蘿蔔

又方

熟地壹斤 苡仁 山茱 桑葉各捌兩 白朮 生何首烏

各貳兩 巨勝子 白果各叁兩 黑芝麻肆兩 北五味貳兩 山藥

壹兩 花椒壹兩 烏頭皮肆兩 胡桃肉叁兩 加參片叁兩 蜜丸無亦可

每日用開水吞服伍錢

取輕粉毒

出山黑鉛伍斤打盛燒酒拾伍壺一把 土茯苓半斤 乳香叁錢 封

固重湯煮一日夜埋土中出火毒每日早晚任性飲

數杯後用瓦盆接小便以有粉出為驗服至筋骨不

痛乃止

庚生按世醫每以輕粉治楊梅瘡毒刻期奏效罔利
害人日久必至筋骨疼痛顚低音嘶病者醫者咸以
爲楊梅瘡之愈而復作不知起初薰藥丸藥之毒蘊
久而發也此方平安而有奇功楊梅瘡用之亦有神
效

受打不痛

用血管鵝毛染根地龍染条煨過用乳香同白蠟爲
末好酒送下

誤吞鐵石

王不留行黃柏等分爲末水浸蒸餅丸彈子大青黛

爲衣用線穿挂受風處用時以一丸冷水化服

腳城

葱根葶薺搗汁一碗以松香肆兩并麻油煎至滴水
成珠方入前汁攤膏貼患處卽愈

足趾雞眼

作痛作瘡地骨皮同紅花研細敷之次日卽愈

截毛蟲傷

春夏月樹下牆塹閒雜色毛蟲極毒觸著則放毛入
人手足上自皮至肉自肉至骨皮肉微癢漸痛經數
日癢在外而痛在內用手抓搔或癢或痛必致骨肉

皆爛每有性命之憂此名中射工毒諸藥不效用好
豆豉一碗青油半盞拌豉搗爛厚敷患處經一時之
久豉氣透骨則引出蟲毛紛紛可見取下豆豉埋土
中再煎香白芷湯洗痛癢處如肉已爛用烏賊骨爲
末敷之立愈

又方大蘇合香爲末以桑葉水調服
鍋底黃土爲末以醋捏成團于痛癢處搓轉其毛皆
落在土上痛癢立止神效無比

紅玉膏 治女人面脂

輕粉 滑石 杏仁 等分爲末蒸透入腦麝少許

頂藥 主上吐藥也

巴霜頂 丹溪喉 治纏喉風閉先胸膈氣緊驀然咽喉癰痛

手足厥冷氣不能通頃刻不治

雄黃 壹錢 鬱金 伍分 巴豆 柒粒去皮殼 冰麝各少許為皮醋糊

為丸如麻子大清茶下伍分如喉噤塞用竹管納藥

入喉中須臾吐痰立解未吐再服

庚生按巴豆宜去油取霜方可用

四寶頂 狗寶丸 丁丹崖祖師治噎膈翻胃

硫黃 水銀 各壹錢同炒成金色 狗寶 參錢 雞卵 壹枚去白留黃 和藥攪

勻紙封泥固煨火煨半日取出研細每以燒酒調服



伍分不過三服立驗

庚生按此方頗驗然宜驗症之虛實謹慎用之

牛郎頂

牛郎丸

治氣築奔衝不可忍兼追蟲取積亦消水腫

黑牽牛

伍錢炒

檳榔

貳錢伍分

爲末每服壹錢紫蘇湯下蟲

積及水腫用酒下

青綠頂

治頑痰不化

石青

壹兩

石綠

伍錢

水飛爲末麴糊丸菉豆大溫水下十

丸吐出痰二三盃不損人

風痰猝中方用生石綠

貳兩

乳細水化去石慢火熬乾

取辰日辰時辰位修合再研入麝香

壹分

糯米粉糊丸

彈子大陰乾粹中每丸作貳服薄荷酒下餘風硃砂
酒下吐出青涎瀉下惡物立效小兒用銅綠研粉醋
麵糊丸芡實大每服薄荷酒下一丸須臾吐痰如膠
神效

庚生按生石綠細繹方意疑卽生銅綠蓋銅綠酸平
主治風痰卒中也此方本名碧林丹見藥譜明療銅
綠條下治小兒名綠雲丹亦載此書內

硫黃頂 治腰疼如神

黑牽牛半生半炒取頭末水和丸梧子大硫黃末爲
衣空心用鹽湯并酒下五十丸

庚生按此方用意極妙惟須體實而年久濕重者爲宜亦不可驟投至五十丸之多當量症加減爲安

玉環來笑丹

治疝氣癰腫並諸氣痛

黑鹽

荔枝核

肆拾玖個

陳皮

連白玖錢

硫黃

肆錢

右爲末鹽水打麵糊丸菴豆大痛時空心酒服九丸良久再服不過三服立效

庚生按此方與前疝氣神方相同惟荔枝核此方用肆拾玖粒前方等分且須炒黃陳皮前方亦用等分硫黃此方未言製法前方須火中鎔化投水去毒且以飯爲丸桐子大每服十四丸酒下爲不同耳鄙見

以爲分量宜照此方製法宜照前方丸之大小及服丸之數亦宜照此方爲是

輕粉頂 治小兒涎喘

無雄雞子一個用雞子清入輕粉壹分拌勻銀器盛置湯瓶上蒸熟三歲兒食盡當吐痰或泄而愈壯實者乃可用

黑鹽頂

鹽壹升納粗磁瓶中將泥頭築實先以糠火圍燒漸加炭火候燒透赤色鹽如水汁卽去火待凝將瓶欂破取出用豆豉壹升熬煎桃仁壹兩和麩炒熟巴豆

貳兩去心膜及殼隔紙炒令油出須生熟得中焦則
少力生又損人將四物搗勻入蜜丸桐子大每服
丸須平旦時服最好患時氣用豉汁及茶送下患
痛酒送下入口便止患血痢米飲下初變水痢後
止患瘧茶飲下患骨蒸蜜湯下凡服藥後吐利勿
爲怪吐利若多服黃連汁止之或遇耐藥人服藥
不動者更服一二丸服藥後須忌口二三日其藥
臘月合之用磁瓶封固勿令洩氣一劑可救百人
或在道途村落無藥可求但用此藥可敵大黃朴
硝數兩屢試有效小兒女子忌服

羊莢頂 治骨蒸傳尸

羊肉如拳大一塊煮熟皂莢壹個炙以無灰酒二升

銅鑪內煮三五沸去渣入黑錫壹兩煎至一合合病

人先啖肉汁後服一合之藥如吐蟲如馬尾卽愈矣

截瘧頂 治三日大瘧

活大烏龜一個連殼左右肩上各鑽一孔近尾處亦

鑽一孔以明雄黃玖錢研細每孔摻入叁錢外以黃

泥包固勿令洩氣炭火上煨存性研細每服准壹錢

空心陳酒下二三服卽止

又方 預擇陳香櫟一個去頂皮大者每隻加明雄黃叁

錢中者貳錢小者壹錢研細摻入香櫟內火中煨存
性再研極細每服七分用腐衣作六七包乾咽下不
可吃湯水任其嘔吐頑痰卽愈治三陰瘧尤驗
庚生按瘧症不一驗方亦多往往此用則效彼用則
否者症非一致也此方治年久不愈之瘧每有奇驗
而輕淺者用之非徒無效甚且損胃作嘔不可不知
後附試驗單方數則以備隨症採用

截瘧丹 五月五日取獨蒜不拘多少春爛入黃丹
等分再杵丸如圓眼大晒乾收存凡疾發二三次後
取一丸杵碎雞鳴時面東井花水下



自來內經 卷三
齁喘痰積方 凡天雨便發坐卧不得飲食不進乃

肺竅久積冷痰遇陰氣觸動則發也用後方一服即

愈服至七八次即吐惡痰數升藥性亦隨而出即斷

根矣

江西淡豆豉 壹兩蒸入砒霜末 壹錢 枯礬 叁錢 菉豆大

每用冷茶冷水送下七丸甚者九丸小兒五丸即高

枕仰臥忌食熱物等 以上二方體虛者千萬忌用

皂礬頂 稀涎散 凡人猝中風昏昏如醉形體不收或倒或不

倒或口角流涎斯須不治便成大病此證風涎潮於

上致胸痺氣不通用此吐之